

贛州府志卷四十

藝文志

國朝

虔南春興

周體觀

何物安心髮復青
籜冠未製愧山靈
夜來自拜涿姑影
客去維箋內景經
扶病七年虛艾火
養生一味學庖丁
白沙勾漏空鄰近
愁過蒼梧日月冥

瘴雨溟溟海氣昏
江濤夜打湧金門
羣飛赤鯉奔城闕
倒哭元猿頓古根
舴艋移家浮賈帑
衾裯捲市換山殮
收書我欲歸吳下
萬壑千灘水正渾

贈周計百

宋琬

贛州府志

卷四十

國朝詩

爲憶梁園客曾題庾嶺書
交遊憐我在憂患識君初
使酒狂猶故論文老不如
依然朱紱舊誰道主恩踈

自豫章上虔南

彭孫貽

南上千盤路東風半月程
浮雲鄔子驛殘日灌嬰城
江色連吳楚溪陰變晦明
兵戈漫回首總是故園情

讀井長寧三上移兵揭

胡敏

壬子三月粵寇既戰潰
郡議以長寧距郡甚遠將
發兵八百以屯之長寧
自信教民數載戰守素裕
無藉兵援且邑皆荒山瘠
壤民何以堪故一請不已
而再再請不已而三

牛門殘孽已星奔
軍檄紛傳出重屯
纔卧戈鋌方貼枕
恐

聞征鼓倍驚魂涕流三請堪圖鄭血灑千言欲叫閻保障
九區成底事直教萬里固屏藩

讀宋牧仲雙江唱和集

施閏章

坡公遊處路重經訝許詩人共客亭留得板橋長好在使
星曾伴少微星

荔子桑花勸客杯匡雲東送片帆迴鬱孤臺畔休回首早
捲雙江雪浪來

懷讓村客虔州

聞君發歸棹還滯虔城裏雙江人不來愁殺雙江水

送鮑子韶歸贛

沈荃

十年不改舊荷衣猿鶴空山待客歸楓葉亭臯看落日梅

贛州府志

卷四十

國朝詩

二

花嶺嶠挹清暉一官夢杳蕙絲滑雙履情深蕨筍肥春到
柴門江水濶閒鷗應伴釣魚磯

寄懷宋牧仲虔州

王士正

虔州界閩湘蘭蕙賤於草復有寶珠香玉雪映清曉江城
微雨過炎瘴淨如掃高齋開八窓豁達涼風早方牀黃琉璃
臥起日杲杲清芬惱魂夢仙膚愛綦縞嶺外六郎花未
敢鬪娟好昨歲在京國冠蓋苦紛擾朱門多林塘無由聽
啼鳥今年八境臺雙江入登眺官閒註楚騷多識不爲少
遙憶詩到時贛石風嫋嫋

題雪霽南轅圖送張宏遠之官興國

蟄蟲已墜戶行旅方閉關問君將何之轂鯨駕車冰塞川

層冰峨峨鹿鳴澤六出花飛雪盈尺蒼茫不辨黃金臺突
兀遙連太行白車中有客裘蒙茸高枕抱膝如隆中昨朝
秘省吟紅藥今日寒原逐斷蓬君家清門臨甫里遙指西
江隔雲水三高祠下去松陵五老峰前渡彭蠡丈夫何用
別雄雌寒谷亦有回春時鬱孤臺上獨搔首應續當年玉
局詩

再送

薄宦三千里驚濤十八灘萍蓬岐路遠松桂玉堂寒木客
吟中聽山都樹杪看炎方風土異行矣慎加餐

寄張宏蘧兼東陳子文

離尊殘菊下六載一逡巡未免勞搜粟何須歎積薪江村

贛州府志

卷四十

國朝詩

三

多橘戶嶺樹半楓人賴有南安守詩筒字字新

答寄張損持官興國

玉堂十載宦情微况是虔南少鴈飛寄語江東步兵道鱸
魚雖好莫思歸

甲寅冬江背峒撫賊紀事六首

顧岱

匹馬臨江背前旌近賊營由來皆赤子何忍作長平地險
輕王法民頑有至情撫綏原不易先軌是陽明
白刃戕多命黃雲覆敵臺孤營兼雨困羣寇伏天裁野哭
收遺骨儲糧付燼灰空憐諸難婦辛苦賊中來
山鬼稱都督勾連亦杞憂螺山頻告警鼠穴布新謀暫解
黃巾甲仍歸縣尉頭帳房霜露積敢悔此淹留

偶來學聚米何事夜量沙聽鼓軍能振傳籌士不譁
鄴生還有舌李廣漸思家醉卧沙場夜憂危看鬢華
受降城更築峒口列行營賊黨終疑畏吾言本至誠
宰牛安壯士灑酒酹神明羅拜深山裏終當感
聖情

共道兵猶火誰知策有神儒生踈劍畧大將播

皇仁襁負披荆棘降書列主臣鼓鐘開宴饗戎首叩車塵

壬戌十一月二十日余年八十有一是日賴晉公何

楚田曾冰壺自湘江以扁舟至零余具蔬椀芋火

留談十日夜將歸作詩送之兼寄謝賴牧菴歐上

閑胡若木諸子

易學實

贛州府志

卷四十

國朝詩

四

湘江水入零江駛鬱紆奔峰吹萬紫此中峭濇鍾人豪
勿謂江千十步芷嗟予皮骨老峻嶒白髮交存愁屈指少壯
如君氣吸虹崆峒長劍拔天冠君不見橫浦激江雪在門
風月千秋分闕里丈夫學道溯崑崙眼空北海龍門李

禾豐道中

寒盡山根見天枯水底明暮煙前岫斷晚靄隔林生白葛
悲村老青裘笑客行遙憐故人在片石立崢嶸

虔州

方文

虔州將近粵臘月已如春忽見東園裏梅花朵朵新
纔看梅蕊白又見菜花黃自是冬無雪何曾草不芳

贛州

葉燮

設險資形勝雄關扼百蠻倦遊人欲住行役路方艱事去
江山舊時平樓櫓閒文成勲業地樽俎尚堪攀

虔州雜詩用子瞻八境臺韻八首 宋 肇

縹緲江城百尺樓羣公飛蓋此銷憂星槎到日追隨數遠
汎應憐博望侯

鈎輅鳥語去仍還雲樹雙江起暮寒自笑遊蹤逐坡老十
年前亦宦齊安

崆峒山畔暮雲堆風起芙蓉次第開向夕空庭堪拄笏連
天積翠月中來

誓師江上憶陽明讀罷遺編客夢醒惆悵斯人今不見荒
祠落日影亭亭

贛州府志

卷四十

國朝詩

五

何日還參馬祖禪花宮巖際自巋然捫蘿擬搦題名字嗜
古從人笑茂先

江關烽火幾年中壯士今歌零雨濛帆影蕭條鴻在野雙
流嗚咽自西東

無復當年章貢臺鬱孤荒阜素馨開殷勤獨有悲秋客倚
杖看雲到草萊

雨餘竹樹影參差耿耿孤懷明月知且喜尋常了公事木
蘭花下任題詩

次韻酬處士

花宮逢魏野如向易堂遊

易堂為處士兄弟讀書處

人靜苔堪藉林深翠

欲流高言驚法侶勝地得清秋擬識崆峒面長吟上小樓

和公以棋榼見貽口占爲謝

客從山中來贈我山中果
蠻榼名最佳入手何磊砢
登盤十二枚所得亦已夥
瀟灑風味殊豈在哀梨左
一片世外香遠自翠微
墮珍重處士遺惠而真好
我題詩謝殷勤永言懷袖裏

使院即事示介維

雙江如箭聒斜陽一髮中原是故鄉
狼藉芭蕉堆逕綠分明橘柚飽霜黃
杯酬木客山中句衣染黎人海外香
好趁瘴消秋雨後幽巖振策共錢郎

月夜同介維暨子甚至著飲東勝山精舍

雙江風土連炎州歲暮那復披羊裘
放衙行樂策藤杖長

贛州府志

卷四十

國朝詩

六

歌還向招提遊城隅一徑入蒼靄
花闌竹塢藏層邱講堂開處碧苔滿
余曾題作山之幽斜陽欲墮衆鳥集
鷓鴣呼伴聲鈎輞俄驚紫燕舞牆角
社日已過仍淹留僧言此地少霜雪
臘月時或開桃榴我有嘉賓盛才調
崢嶸賦手追應劉同來命酒待明月
興酣落筆雲煙浮兒曹識字強學步
微吟彷彿巴人謳玉盤漸見湧林樾
松篁影亂紛蛟蚪仰天大叫發狂態
杯傾不盡章波流今夕何夕樂無極
盤桓叢桂簷堪抽參橫月落下山去
臨風徙倚空搔頭

次韻奉答王阮亭

繫余別京畿嚴霜彫百草故人相祖送
駐馬桑乾曉回首歲月遷舊迹忽如掃
江山信阻修坐驚白髮早瘴癘積晨

昏鮮見日杲杲素心寄瑤華不數延陵縞為言章貢佳佩
紉秋蘭好豈意當關勞羽檄嗟紛擾那窮雲壑幽聊復親
花鳥時登八境臺側身中原眺迢迢霄漢間古道如君少
心同訟閣鈴臨風恒嫋嫋

已未除夕喜吳遠度見過席上有作

今年元日留江東與君醉卧扁舟中今年除夕章水上與
君又泛椒花紅人生邂逅亦難得吾徒令節誇竒逢當筵
一笑快胸臆羈愁消遣隨春風何以贈我雙錦軸道子圖
畫嗟神工更有華燈妙翦刻五枝青玉將無同張燈懸畫
但鯨飲照耀使院驚兒童此邦暄暖盛花竹庭梅久已開
芳叢素馨蘭蕙相繼發正宜登眺窮崆峒君言明發趨嶺
贛州府志

卷四十

國朝詩

七

嶠丹青貌取羅浮峰我亦江頭命短檣乘風謁帝蓬萊
宮賦詩守歲永今夕無令良會徒息息千門爆竹喧未了
沉沉忽聽遙天鐘

清明日虔州却寄兩弟

十二年來頻遠出可堪今歲又離家松楸三月清明雨棠
棣雙江南北花已分無錢酬典客不嫌有食傍官衙小樓
徙倚真懷爾日暮雲深天一涯

東宋牧仲員外

邵長蘅

秋晚尋醫過贛江使君遲我讀書堂風吹北院清歌隔

時

使署清
歌夜宴

雨灑東窓夜話長蘭簿交新渾似故榻盤坐久不聞

香最憐出語關民瘼手把醇醪未忍嘗

送宋牧仲權使贛州

尤侗

帝京雲物覩陽回賦別登臨宋玉才征棹正隨寒鴈去放
衙應及早梅開金娥昇處留妝閣木客吟成乞酒杯身在
江湖心魏闕青春還上鬱孤臺

奉酬宋使君使院即事見示韻

錢栢齡

官舍秋陰淡夕陽鱸魚消息渺江鄉紛披楚畹蘭叢秀冷
落淮南桂蕊黃載酒幾過池上釣檢書頻拂篋中香高唐
麗藻元無敵此日風流屬省郎

和宋使君月夜招飲東勝山韻

仙郎奉使來虔州倏忽夏葛還冬裘雙江政平日無事放
衙常作花宮遊此山突兀傍城角禪關曲新隨林邱白頭

贛州府志

卷四十

國朝詩

八

老僧意瀟灑手植百果耽清幽使君過此雨初霽山門寂
歷停華輶擔壺挈榼踵相繼日云暮矣仍淹留木奴滿前
香未了山茶欲傲炎天榴即此一壑足盤礴詔隱何必淮
南劉使君興至發高詠硬黃紙上松煙淨居然天庭振大
呂非徒瑣細工吟謳羣從意氣盡磊落下筆恍見騰蛟蚪
須臾暝煙淡叢薄中庭忽覩金波沉新筍滿酌那辭醉狂
來聊復殘毫抽沉沉銀箭催不起濡墨擬黑張顛頭

和宋使君除夕喜吳遠度見過韻

吳君潑墨雄江東氣格不落丹青中得名海內三十載素
髯欲改朱顏紅今年使君駐白下元辰栢酒曾相逢周郎
題詩殊敏捷時雪客有作嵯峨青翰生條風春帆送我贛江去妙

蹟常憶梅花工，逡巡流景三百六。聯吟竊幸仙郎同，只今
除日日初夕。雙江爆竹喧兒童，喜君至止正匝歲。中庭蘭
蕙開芳叢，贈有淋漓雙畫幅。煙嵐彷彿凌崆峒，九微佳製
更殊絕。舉酌勝對鼇山峰，頓使蘭臺動詞賦。高吟聲協黃
鐘宮，佳辰勝事良未易。羅浮策杖嗟息息，明年聚首向何
處。還期同聽臺城鐘。

和宋使君虔州雜詩用東坡八境臺韻 袁啟旭

突兀城闈起畫樓，西風憑眺一增憂。三湘百粵多烽火，辛
苦專征盡列侯。

何處魚竿釣月還，東來煙水上衣寒。驚心最是新巢鵲，三
匝初歸夢未安。

贛州府志

卷四十

國朝詩

九

十八灘頭蔓草堆，疎林破屋晚煙開。誰家解唱邊庭曲，玉
遂風中過枕來。

深松掩映夕陽明，亂罷山川似夢醒。一自眉山人去後，江
聲冷落到旗亭。

獨客齋心似老禪，亂山秋木坐蒼然。登臨且酌他鄉酒，愛
有橙香入座先。

吳楚關山暮靄中，一行煙艤破冥濛。銷魂怕及賓鴻候，風
雨驅人五嶺東。

百戰經過賸此臺，秋風吹動木蘭開。孤雲明滅雙江外，莫
遣新愁到草萊。

迴岡雉堞吐參差，石徑荒涼野老知。昨日使君天上至，醉

桐高僻共題詩

曉發虔州

鄭珮

關門擊柝星欲低征車曉發風淒淒城門已見山月落村
巷又聽荒鷄啼歲晚行人意悽惻天寒遠道愁攀躋生平
失路每如此飄泊長年東復西

興國

周令樹

捧檄來興國江邊復嶺邊竹簾穿紫石板屋接青天古鏃
埋殘壘新魂叫暮煙憑軒問父老帶甲自何年

長寧道中

面面芙蓉峰五指拔地起忽見打魚船知是羊角水

贛州竹枝詞

贛州府志

卷四十

國朝詩

十

贛州城外贛水漩竹屋家家傍岸懸江水漲時高百尺開
窓平看往來船

酒罈山上起春風春江春花綠又紅上水下水多少客一
年半在小船中

八境高臺雪色開窄袖紅顏馬上來管絃夜夜聞深院却
道征人尚未回

板屋山姑夢裏驚隨即養承望彭亨自言曾在將軍帳羞
說當年初破城

虔州寓園 選二

鮑叔裔

南借修篁北借槐爲園雖小亦悠哉薑招衆畏緣多辣櫟
以天容爲不才香翠欲沈風撲起澄嵐將捲雨吹開幽花

細草尋將盡門外何人送樹來

七尺龍泉四尺琴幽人漸漸解相尋開當凍雪知花力去
冒長風見蝶心水色入簾清自照竹香迷月翠初沈亦知
未是龐公隱高卧聊為梁父吟

送米紫來司理贛州

踈散遊京雜冠裳束米顛蒲風催去旆梅雨漲行船江右
荒殘久刑曹長厚先莫耽山水癖雅望卜初年

虔臺秋日和宋牧仲韻

丁焯

生涯秋正好節序靜方知醉客題三雅尋山想五芝渚煙
蓮謝晚瘴雨鴈來遲鄉路盈盈隔江臯負素期

長寧道中

贛州府志

卷四十

國朝詩

十一

雪山危嶂俯南橋八付村墟望正遙丹竹樓高分越嶠黃
荆潭淨倒山椒雲橫不辨來時路鳥語如留去後軫暮靄
朝暎時掉鞅農歌樵唱采風謠

虔臺秋日

丁焯

虔州鄉土異物候遠人知聽雨頻移枕耕煙憶種芝鷓鴣
霜葉暖蘭蕙晚香遲不為憂生感孤懷有別期

贛州九日

子瞻每說重陽勝如此重陽亦可憐季弟伯兄同叔子海
南嶺北復梅川風高落日雙歸鴈水淺圍城亂泊船獨向
鬱孤臺上立江頭暝色已連天

舟抵章貢與芝五述別

高秋八九月秋色何清真白玉爲君堂欄杆鏤鎖文圖書
列成行一一皆清新簾籠青翠樹墀蘇斑駁紋命我村奚
奴僕我做衾裯眠我湘竹牀爲我更夕殮我之好友止厥
維何陶陳絡繹各賓客皆屬詩書人月上散花雪未到先
氤氳手臂蕉子香歎息荔枝辰海風鼓洪波陳何東南奔
我爲乘風葉徬恍忽逢君喜就同舟約竟夕托清言山川
識人面奄忽章水濱君前執我手惆悵期明春相將度高
秋薜蘿待君捫

宋收仲使君邀集城南精舍

愛避繁華境招提作勝遊高僧殊磊落名士足風流地僻
難消暑心閒易得秋使君饒逸興不減庾公樓

贛州府志

卷四十

國朝詩

十二

酬宋收仲使君謝榭榭詩原韻

味澀不諧時榭榭類諫果其枝能連理其榦癭磊砢聊用
土物宜袖攜未能夥顧邀使君珍置之玉盤左自慙蹇諤
姿行恐家聲墮使君云好之非果而以我敢效行冲言願
得存藥裹

有懷贛州陽直尹

把手曾愁寄信難秋窓對影夜漫漫梅川隔得無多路只
有雙江十八灘

題雙江唱和集

陳維崧

君昔射虎斬黃州虎腥亂濺青貂裘年來不作卞莊子慣
逐我曹爲雅遊長安十子最藉藉格律妥帖推商邱雙江

編歛駭幻竒而不詭蒼然幽孟韓相值亦退舍萬牛穀
鯨迴其軛乃識使筆若使弩猛氣一撇誰能留朝士昨聞
槎使到競詢蒟醬和安榴那知蕭然百無賸只有吟卷追
曹劉鬱孤臺下聯水驛高檣如薺煙中浮清吟半入黎母
唱一半散作珠娘謳日余健闕擁獨樹壽藤恠蔓纏蒼蚪
配君此篇兩踈豁樹根仰讀嗟風流秋光連日劇無賴野
籬菊蕊行將抽何能與汝出城去倒騎烏特西山頭

前題

林堯英

屋背神鵲喧晴朝石根老栢垂勁條望子晨星久落落忽
喜稅鞅塵聲消左停鞭弭右鞬屬有若逆水迴赤蛟竹寮
炯炯好圍坐

時牧仲同阮亭實菴漪亭
我眉蛟門方山集余寓齋

自言清興窮遊遨虔州二

贛州府志

卷四十

國朝詩

十三

月春如海雜花抽障篁抽苞更躡鬱孤臺上望崩雲千丈
迎飛潮砰訇雷鼓日奔吼崆峒天竺疑動搖城南宮闕靜
無事不辭佳客頻招邀共剪谿藤分虎僕江風吹字成青
瑤念我經遊已十載螺亭入夢真湫漻把君此卷轉自失
恨無傑句留山椒投以小詩當杜舉徑須痛飲訶陵醪

舟行零都道中

朱 薇

春日既已暮山溪水亦長緣越殊未極茲焉復理榜川原
藹迴鬱觸目紛萬象鳥啼山木暗人語灘石響雨外峰明
滅風前花偃仰岫轉失來踪沙明得前朗魚跳碧潭中猿
引蒼嶺上鐸罇鬼斧剗石皴仙人掌時或遇平曠茆屋兀
三兩予本倦遊人取次愜心賞逢山擬便登遇水欣長往

只此區中跡已深
霞外想何時縱所如
悠然息塵鞅
虔州西城外散步望崆峒
吳懋謙

岩堯望不極
疊嶂迴連天
平楚收殘照
孤墟淡夕煙
空潭龍獨下
暗谷虎交眠
筇杖愁泥滑
歸途一惘然

送虔州司理周計百改倅雲中

陸世楷

尺書纔與訂金蘭
啟事遙傳借冠難
自有繞朝先贈策
誰憐貢禹尚彈冠
黃花嶺外雲千里
翠玉樓前月一灘
最喜臨邊曹相國
醇醪相對不勝歡

龍南縣城北

陸 棻

既歷信豐境
乃泊龍南城
禾黍被廣畝
篔簹覆茅楹
落日牛羊歸
各自呼羣鳴
煙景似吾廬
悠然傷旅情
三江匯諸源
奔溜何縱橫
緬懷玉石巖
高勒燕然銘
驅車獨行邁
喜無征角聲

贛州府志

卷四十一

國朝詩

十四

周計百先生見示渡江草作歌寄贈 高 詠

天中才子古稱奇
虔州使君獨高手
蓮花幕裏百篇詩
翠玉樓前千日酒
徃徃詞客來湖西
稱說虔州常在口
湖西九月天
欲霜諸子論詩日
滿堂芙蓉漸老楓
葉黃秋風吹墮青
琳瑯楚妃殊色衆
皆歎公瑾風流不可當
嵩山王屋忽在眼
崆峒廬岳森相望
又如遺我錦繡段
蜀江初濯光凌亂
薔薇盥手漏三更
一彈瑤瑟愁清漢
迢迢鬱孤臺嵯峨
上有千氣象
下有章貢江
青天流潏潏
美人環珮響雲中
灘高鯉魚何由上
海內稱詩幾輩聞
名譽袞袞走風塵

秦箏羌笛徒爲爾金鐘大鑪不復陳欲識雅音重可作
問當年顧曲人

虔州雜興

盛符升

最愛清和月翻憐逸興疎裝綿新雨後御袷晚晴餘草瘴
生春末炎歎逼夏初天涯空徙倚冷暖竟何如

倏忽陰晴改煙嵐百態分斷虹時挾雨殘照每窺雲江勢
懸清漲山光雜紫氛偏宜農事早綠野已成耘

草木南方異香林遍野村風蘭生不土仙掌植無根榕葉
霜垂畝鬢華雪滿園還疑楚畹在處處采芳蓀

君子堂行

虔署東有見山書院我友顧君所建也有君子堂記手
書門屏傍有四壁亦見山所畫

君子堂何煌煌丹青列翡翠粉墨懸清光煙雲生几席畫

贛州府志

卷四十

國朝詩

十五

璧尤琳瑯一顧一回首三絕思長康我友雲間顧水部炯
如冰玉相矜許瀟灑一官任所之驚才逸興誰堪伍少年
持節駐長干架虹激水環花塢再筦河漕出夏陽亭臺屹
作湖山主一時觴詠盡名流相從高會成今古今朝我作
虔州客東廂卜築觀遺跡如對故人眼倍明風流詞翰欣
晨夕勝事還思屬後塵蘭堂桂館交枝格焚香種竹有同
心傳舍何妨留歲月於時左右兩巋然並向崆山峙古虔
屋梁月色思良友俛仰存亡二十年君不見江州刺史有
山房鹿去書留雲錦旁又不見眉山水部來楚黃十畝東
坡一雪堂

八月舟過雙江回眺儲潭山根盡沒於水斷厓平沙

劃如一線遠村孤塔羣峰夕
藍客著白衣坐蓬下
覓句誠入舟後第一快境也
梅 鉞

遠人愛秋日獨往有佳况
浙浙風氣微清暉石邊宕支蓬
坐夕陽抱膝看遙嶂幾處漁艇歸
柴門各相傍林青出紅塔
暝鳥雙飛向此意人未知
空烟但孤望

送曾麗天歸虔州

倪 燦

羈客二千里征衣怯路塵
那堪遠遊子復送欲歸人
月滿龍沙夜花明贛水濱
論文須有日此別最酸辛

喜接晉公仲孚手書偶賦寄畚並柬綺園諸子

韓 葵

二妙歸帆憶隔年無端離緒
鴈書傳美人夢冷章門月芳

贛州府志

卷四十

國朝詩

十六

草春浮笠澤煙秣阮自豪
文酒興謝陶漫訂菊花綠
遙知霞綺桐巖閣共捫星河衣帶懸

白照園酌雪

彭文咸

鬱孤臺畔已蕭然山水清幽自昔年
鞀鼓擊時春色黯樽壘靜處雪光懸
亭梅知我踈踈放好鳥依人緩緩前
讀罷殘書尋舊夢不知天竺在誰邊

送盛膳部贛闕使事畢入京

徐履忱

七載含香吏江山得壯遊
登臨懷帝子土俗古虔州
貢使通滄海軍需仰上流
採風應入告簪筆鳳池頭
章貢分流處清風送使槎
翠漪魚鮪草紅豔佛桑花
別緒牽卮酒相逢感鬢華
故園春正好應念早辭家

二十年前家君作郡虔州癸亥歲于役過此有作

郎廷極

贛州城上夏雲白贛州城下江水碧布帆一月數征程落
日經過道傍驛棠陰匝地交紛披嚴親曾此塞車帷桐鄉
舊宅難悉數至今父老能爲詞共言揚僕專征日王師十
萬緣江入銅鼓西來歛戰爭此邦百里當其嗑居民安堵
不苦兵此時賴有賢使君青芻玉粒咄嗟辦縣吏不聞來
打門每因亂後氣蕭索勸農身自經村落繞城犖确變膏
腴自此千家把鋤耒更憂學舍生春蕪諸生經歲停呶唔
自分官俸給膏火琅琅絃誦盈交衢只今轉眼廿餘載懸
瓜廳事依然在峴首碑前刻姓名白頭人尚歌遺愛我聞
贛州府志

卷四十

國朝詩

十七

過贛州

家君守郡日此地尚傳烽戶且三征並關當百粵衝經營
安戰壘勞苦集耕農事事師清獻勲猷勒鼎鐘
甘棠猶蔭蔚惠績久彌思父老詢安健官僚作準規欣來
尋過舸藉引到生祠爲報薇花省虔南望隼旗

送張損持之官興國

李鎧

男兒束髮飽詩書豈徒丹轂榮簪裾通籍業已登石渠開

濟固合平生儲不爾課績慙空疎筐篚下逮胡為乎吳江
太守今嚴徐早歲出入承明廬賦手飄然凌子虛一時作
者名誰俱顧切同患感厥初蒿目時復心煩紆大廷詔下
恰外除百里何必非良圖吏道既雜民力痛岳牧汲汲詞
人須章貢形勝稱奧區歛江更不煩鞭蒲伯溫程氏古大
儒曾宰此邑垂嘉譽神明先後應不殊坐聽無訟歌比閭
化行高齋恒晏如寧礙碧山焚銀魚酬知不在春華敷得
位行道官匪羸一別三載祇須臾昌言早向彤庭趨

十月朔日客虔州作

程可則

十月霜飛旅鴈哀客愁還上鬱孤臺臺間數見月高下江
上獨看人去來三徑已殘籬下菊先春將放嶺頭梅庭闌
白髮應相念千里雲山首重回

贛州府志

卷四十

國朝詩

十八

喜達贛州

輕舟朝發九牛隈百里章河一盪來薄醉未醒山已過又
從人上鬱孤臺

贛石舟中寄張損持同年

湯右曾

小謫猶應傍紫宸雲山別有碧桃春樓臺一一當蓬島風
浪明明接漢津文彩石渠留故事姓名玉牒記前因只今
奇字憑誰問君是翰寥館裏人

將至贛州作

王原

儲潭三朐樹蒼翠落清池天遠遲鴻鴈江清足鷺鷥畏途
心並碎吟格語還奇煙外層臺迴虔州古蹟垂

章貢舟中望崆峒山

城南九芙蓉青翠薄雲際二水夾而走如骨纏絡系穿脇
溯章流南程及東霽山光照清襟偈借隨轉挨邱壑面面
殊騫騰變體勢虔州一都會山水富奇麗石城冠樓櫓臺
觀尚古制羣峯若拱揖一二得延睇昔有躬耕人結廬嘗
避世吾欲訪白雲何時脫塵繫宋時陳炳嘗隱崆峒山有白雲編二十卷
連朝風雨喜初晴綠野春光分外明寺隱半山開大界江
分二水繞孤城筵前擊鼓傳花飲陌上催耕聽鳥鳴夕照
當軒歸趁早莫教新漲渡難平

宿雩都牛角灣

贛州府志

卷四十

國朝詩

十九

深山結茅屋寂寞少隣家村墅高峯樹門迎曲水車老農
開古澗少婦績新麻入夜柴扉掩邨春雜暮笳

客興國官舍有黃芝之祥題以志喜 湯永誠

惟人冠萬物惟物得氣先自來積慶者休徵無或愆倚歟
張太史痾瘵民瘼虔百廢既具舉百祥亦集焉但看儀門
栢靈鵲三巢巔戊子巳丑庭栢鵲巢興士人作詩紀之今庚寅復來於今官舍旁芝生詎偶

然色如黃玉琮大如四升籩爛如霞錦敷感如雲濤旋跼
白有餘潤質蒼如彌堅宛彼扶桑植森梢勢參天綴旒相
依倚飲和雨露偏曾聞新昌宰鬱生便坐邊涪翁瑞芝記
口齒猶芳鮮譬之穎川鳳固為循良傳何必帝王符銅池
與甘泉我勤太史祝竚賡三秀篇太史乃謙讓避席不遑

前曰維昭

聖代曰維鍾漱川長吏心所願嘉禾農畝駢菁莪毓士
才雋奮聯翩微躬等株杵蒸菌浮雲煙庶為高堂慶酈菊
兆長年維桑必恭止瞻依魂夢牽

太史嘗欲歸養形於寤歎

賤子聽斯語服

膺倍拳拳炎暑桑陰下浮白重流連此芝似解會向榮態
芊綿蕪詞紀盛事六月荷錢錢旅客行儗裝月窺初上絃
寄言胡道士辟穀謝瓊田寄言商山皓羽翼睨鴻鵠

題張損持雪霽南轅圖

顧圖河

日瘦風酸氣凜冽把卷空庭看殘雪宦途染指識酸鹹若
個魚羔兼膈鼈倚窻閒展南轅圖絹素迷離忽騷屑川原
蕭瑟鮮行旅煙嵐遠近分明滅澤腹堅凍高峨峨十文層

贛州府志

卷四十

國朝詩

二十

冰如積錢牛車載書行犂确車中之人用意別狐裘蒙茸
欲何之凍柳槎枒未堪折公才公望世所推出宰百里詭
竒絕虔州舊是山水邦翠浪虹橋森拱列文字端明證夙
因江山清獻停車轍君今宦遊實繼之螺亭如鬪青蓮舌
翰林偏仄君眼見臣朔金門苦羈紲洋洋章貢樂長饑一
笑人間面顏熱猥予作客不稱意每對初陽生眼纈乘傳
期君及早還莫言官序文人拙神仙淪謫事偶然繡衣十
襲為君設呵冰炙硯送君行陽關三疊歌初闋

陪損持先生登興國麗譙

梁 機

春淺遞陰晴物色歛駘宕登高縱遠目好懷恣竒曠微微
度和風稍稍暇遙嶂煙火辨千家窈窕翠鬟障怡然慰問

情令宰夙心尚到來傳呼靜巡檐佳遊賞屢屢何增峻文
筆挺干將樓有太史碑記敞軒野色深挾昔山川壯還傾冰壺春漉
巾酣新釀論文語聲牙撫景歡閒暢虛響動幽聽江流沸
遠浪古栢與垂柳青翠宛相向倏然山雨來濕雲正搖漾
翠屏莽迴互樹色浮滌盪渺爾山城間茲樓萃竒狀地偏
景斯清心遠億所翺浩歌一憑欄尺五青冥上

冷食日同邱昭衡吳松若登塵外亭因訪馬祖巖步

至天竺寺歷水東諸勝

張尚瑗

謫吏墮塵劫何由出其外岩岩孤岑亭名與吾神會冷然
欲憑虛天風發爽籟雄城十萬家雉堞明旌旆羣峰抽玉
簪二水環羅帶壞刹餘巖洞槎枒石垂肺相傳白足禪此
贛州府志

卷四十

國朝詩

二十一

地證三昧跋履過別岡迤邐尋香靄珠宮鬱莊嚴髻陀花
雨霈寺仍天竺名派濬西泠瀨鱗紋感澄潭虬枝盤古檜
佳時百六辰繡瓏交蘭艾披襟天宇清弔古芳樽酌所慙
簿領身世網紛綵縈得遂林泉情遺榮若委蛻鑪峰草堂
西隙地容吾丐

僧次燈與吳松若關仙女潭石蹊達於東厓予所題

西厓之重甌亦平治可登而坐賦以記之

仙潭東西厓岫穴迴相望溪流界其間淙淙瀉清漾起距
畏逾阮成梁之化杖繞潭湏腹行鶴步愁引吭山僧好事
者謀鑿五丁嶂鑽攻犬牙盤䟽剔蛙肚脹竟達東厓巖玲
瓏得幽曠石穴大者三排連甲乙帳虬松偃蹇挂蒼翠交

柯抗洞入小有天飄然絕塵埃西巖竇纍纍倒側羅甕盎
我題重甌名僉曰肖其狀石壁綴蜂房崩劣不可上興極
恣搜竒揮斤總勞匠衆中一竇寬周圍足尋丈列級便登
躋磨治亦舒鬯茵簞隨宜施尻股適所放可以携鳴琴可
以傾沈釀長嘯狎同遊如引客坐壙來過不厭頻擬費屐
幾緡

種蠟謠

同類女貞殊性楮冬青分派呼蠟樹蟲生緣樹樹名蟲孳
蓄桑螟將桂蠹稍同桂葉寒不凋碧榦龍葱度寒泓春深
嶺民分蠟種火齊纍纍堪指數氣交卵坵相蛹化包藏箬
裹紛蟻聚蠕蠕葉底爭噉食戢戢枝間森布濩力命還如

贛州府志

卷四十

國朝詩

二十一

牛糞金委蛻不知禽化羽皇皇滌釜更着筭洵之汰之費
澄瀟團團白月截肪鮮鎔蒸碧海熬波素天孫機錦研繚
綾王公庭燎燃燈炷蜜蹠蜜脾古有之攻蜂蓄蜂人所驚
誰知人巧更蟲天樹蠟生新蜂蠟故甘芬姑謝百花釀皎
潔直擬三危露方物旁搜本草經詩篇擬續蟲魚賦

采葛謠

葛覃風始岐鄴境王風唐風迭篇咏禹貢惟絺載充雍筐
筐中原物華盛胡今此種北來鮮越吟采葛曾誰聽雷州
貢葛卉服存增城祁陽賈舶競西江冠美說西山贛江產
敵盱江勝歛川瘠土被服艱賸有綰兮陪後乘風條露蔓
蔽平疇雨笠煙鉏斫危磴纍纍紅紫分筋肉歷歷方圓陳

緯經去聲鳴機聲促暮螿啼漚池紋動遊魚泳土風不蠶亦
不桑西川課織慙忠定獨羸鹿藿培鼠壤越錦吳綾輸雅
靚俗樸無煩濯水鮮候炎絕少涼飈勁桃江信豐湘洪會昌巧
機杼採買徵求煩甲令不如治緝足餬口產薄功麤民未
病相逢滿眼任西華葛天氏國吾從政

歙江官舍即事

度臺名臣清獻趙熙寧救菑功矯矯一命存心必濟物伊
川明訓佩之早興邑三程過化區外遷却喜前型紹斗米
百錢吳越慣此間值之民鮮飽更堪翔貴日加倍豐年是
穀荒是寶去歲恒賜無麥禾到官兩說隨車好三日以上
霖為淫別風淮雨愁蒸潦儒生願作親民吏救弊扶衰杼
風抱既膺民社責攸寄絕異冰銜躡舊沼土硯歲稔腹仍
饑溝中有瘠途有殍嗷嗷忍死待公來曰扶我顛蘓我槁
奔壘迴車賴御良沉簞作糜湏婦巧宵分無寐聊徙倚官
事如斯恐未了

文丞相寶劍歌

王思軾

層巖暗谷風騷騷上有劍氣干雲霄龍精何年此道逃往
時開閫持旌旄丞相出師軍務勞玉匣夜斂虎豹韜牙門
壯士迴赤條芒寒太白秋河高嚴霜片片飛錦袍丁年憂
國生二毛南奔萬馬如波濤天地崩墜哀所遭龜紋縵理
埋蓬蒿閒關絕徼風塵塵嗚呼信國久不作正氣依然在
寥廓上有星辰下河嶽利器當年試盤錯荆襄為鐔豫童

鏐長鉞湖襄齒廬霍太阿無輝腕力弱一朝脫手千尋落
金絲刻鈕盤螭索徒遣雙鵝鏤龍雀失主終朝光落寞風
雨何因尚騰躍丈夫作事誠卓犖力挽頽陽效葵藿不上
雲臺即溝壑黃冠青史紛穿鑿欲鑄心腸作干鏌

木客吟

上浴諸峰何崖壑木客窮年寄巖壑自言身是秦時人親
見咸陽土開拓阿房駸駸高入雲跨渭橫涇建樓閣三千
宮女競歌舞百萬民人受鞭朴竊憂微命隨螻蟻勉使餘
生偶猿鶴骨月應悲遠別離林泉猶幸長棲托但聞海宇
數變更不記山花幾榮落草衣木食心所甘虎鬪龍爭憶
如昨事往潛驚容鬢改我生欲覩昇平樂安得至治同黃

贛州府志

卷四

國朝詩

二十四

虞萬室千家守耕鑿

春日口號

桃江虔僻邑也漢中吉大邱尹是邦有賢聲葭灰
飛日土牛簫鼓搏獅逐儺傾動城闈溢浦而上滿
目荆榛此土差稱康壤戲拈口號三首

笑逐兒童一欠伸闌門簫鼓沸吹脣奮矜搏象何曾見安
息於今實未賓

青旄綵仗簇貂蟬絃管春風度律天蹠躩香塵隨馬至相
逢畫道使君賢

十分春色醉雙眸過鼓鳴琴過未休贏得兒童搔首笑漢
宮儀在野人頭

一嶺逼青漢行來疑步虛巖腰架僧舍樹杪出藍輿鳥道
 叢篁裏猿聲落日初看他負戴者登頓自徐徐
 巨石劈幽峽奔泉響急流潺湲頻入耳清碧幾經眸野碓
 春雲緩村煙帶雨稠泥途行不得林際又鳴鳩
 人家深掩裏向背護疎籬矮屋重茆縛危橋一木支田園
 應自樂婦女各相携獨愧風塵客星星念鬢絲

初夏客信豐漫興

瘦筇何處撥晴雲一徑南山竹樹分望裏纍纍荒塚遍行
 人偏說呂公墳南山有宋呂汲公墓

挹翠曾傳窓檻好跳珠那見石泉竒當年亭閣今何在長

贛州府志

卷四十

國朝詩

二十五

短空餘幾闋詞

署中舊傳有挹翠閣跳珠亭見趙介之詞

一曲挑江遶碧流家家傍岸結低樓無端連夜黃梅雨時
 有灘聲到枕頭

相見灣詞

灣在贛州南二十里章水中

徐昂發

人厭谿灣遲我愛谿灣漩三暮三朝見百面相思那及長
 相見

柅見坡頭吹女蘿相見坡下水層波即今莫道沿洄苦相
 見雖多別更多

夢中煙岫碧嵯峨相見時難可奈何若是此灣容易見不
 須惆悵越風波

相見依依最有情開帆揆柁轉逢迎人生那得長相見如

溪山莫厭行

會昌道中

王仕雲

一夜輕霜楓色變丹暉漸改髮邊秋河干石積千家苑山
上煙飛萬樹樓老去眼看嵐翠遠別來情動碧空流何須
載酒方乘興到處應傳最勝遊

由三僚荷亭達平固途中口占

曾倪

執手荷亭曉色寒籃輿整頓惜囊慳盤迴迴出高低路俯
仰頻瞻遠近山萬壑雲埋溪水緣千村霜厭樹林斑行來
赤坎地名方平坦衰草淒淒落照間

望明山感懷

五歲離家今始還兵戈迴憶淚潛潛廿年宇宙身如夢惟

贛州府志

卷四十

國朝詩

二十六

記明山是故山

平劍溪青草湖凱歌

余龍翔

金風獵獵陣雲高拉朽摧枯膽氣豪執得渠魁歸釁鼓快
將銀漢洗弓刀

何用堂堂正正兵軍麾指處奪先聲么魔小醜休言敵兩
地萑苻盡蕩平

露布高懸四邑聞班聲不數岳家軍從茲收拾橫磨劍相
與歸來定策勲

木客吟

吳陳琰

何年木客成阿房自言山中木作蠶區區木實便不死安
用辟穀仙人方狂歌痛飲詩家事偶墮人間恣遊戲楚人

一炬客長存月落壺傾共誰醉

寶劍篇

千尋峭壁何崖夢白雲去來風雨作孤臣隻手提天綱土
花沉埋遺神鏢大節凜凜人中龍燭天劍氣如長虹神龍
飛去劍亦隱賸有清光騰碧空

萬松歌

城南古壩江滔滔地形爭指宜崇高海公出宰為民慮課
民種松松作濤萬松生意今盡矣忠介香名總不死後來
仙吏得張君謾謾清風吹滿耳

嘗儲茶

楊 玠

月望午睡起有客叩我門雙手持紙裹言薦儲茶新開函

贛州府志

卷四十

國朝詩

二十七

觀青玉微微嫩黃翻湯沸傾在甌白乳水無分飲之味殊
甘似出苦茗羣一飲意未厭渴喉思再吞謂客茶誠佳我
素固不聞令在爾絕餉令去爾何勤爾且遺新令勿使生
怒嗔客曰余茶戶業與負販倫借此覓蠅頭全我貧窶身
聖明絕貢獻頭網不上陳巧手率他徃採製無要津不堪
充上品僅潤農夫唇惟恐官索取鞭朴求清芬自君宰吾
邑山下焙火繁日出入我市日入歸我村得錢納租稅餘
者給饔飧有時搜包裹一掬猶幸存呼兒擣鹽薑開門邀
比隣大碗一再傾消此穀兩春不蹈令君法誰知令君尊
今者令君去始覺令君親願君嘗此味一識儲茶真我聞
揖客坐爚客勿復言願爾茶味惡不願茶味醇

靈芝云是巖際掬觀音巖下幽尋興未慵理棹舍原陸父

老誇賢宰牽車獻箴箴攬袂下峽舟駿馬馳鞿束注落千

丈強流沫湧萬斛篙師手足掉三緘顧諄囑俗名龍下水每下灘相戒勿語得

無神龍蟠啾譁驚水族相對自忘言夕陽歸興速冷然御

風行愜我平生欲取樂至險中即此悟倚伏回首望潺湲

蒼茫飛野鶩

前題

熊履廷

出郭山水佳一一窮其趣太史舊風流雙屐偶相附晨曦
威尚歛四野鎖殘霧大小石噴坑奇狀時或遇整冠欲拜
之熟視轉生怖梯危復捫陰蒼翠見無數迤邐仙女潭潭
際聞甘澍峭壁對千尋日光線微吐仰窺穴透天琅琅珠

贛州府志

卷四十

國朝詩

二十九

玉雨取以沁詩脾奚啻飲瓊乳更陟碧巘重濃陰四隣聚
寺枕觀音巖寶像凌空塑萬仞削孤屏秀絕塵不污蟬鳴
竹樹幽掃壁讀佳句驕陽忽已斜歸舟疾於羽屈曲瀉灘
流溟濛兩岸暮探索苦未周林泉向成痼聲聲山鳥啼留
我山間住

前題

劉紹權

靈山再四遊俯仰粗有記茲獨殊厥遭所得昔猶未踏露
走岸坑盤雲入深邃丹崖列繡屏淨麗容兩散怪哉金蝦

蟆幾歲月中墜一石名老蛤蟬石杵屹無隣砵斫干霄勢一石高可

百文俗呼三休凌萬仞疊嶂巧位置濤風謖謖鳴仙泉瞥然

至徒手掬天漿甘寒沁心胃倏見西山陰羲和輟其轡惆

帳別龍泓爰止錢船寺盤餐從我適淡泊有禪味山南諸
父老樽酒迎長吏嘖嘖史公賢願公留一醉公謂爾無然
余心嘉爾饋呼艇下灘去澎湃奔若駟真疑老蟄龍鼓鬣
從茲遊江名龍下水蒼蒼暮靄浮點點魚燈碎山巔月初上掩映
金波內珥筆復紀之山靈更誰秘

木客吟

尹元貢

驪山一炬烽煙起咸陽宮殿飛灰裏當年百二誇雄圖不
控阿房三百里可憐使者紛八荒採木僻壤窮巖疆客來
止兮上洛山不死却得延年方黃精作飯松作漿白雲為
衣霞為裳明月伴我山中顏倏然放歌天地涼三山僊入
晤非偶海水蒼茫不可走間向風塵問世人徐郎採藥歸
贛州府志

卷四十

國朝詩

三十

來否

題兼山樓

白眼摩挲四望低橫空千尺踏僊梯半樓山色清如盃一
榻春風嬾似愁霜氣晚寒鴻鴈切梧陰高敞鳳凰棲近來
酒熟頻招我月下裁詩愧品題

泊虔州

史必達

數夕陰長冥今宵客夢安雲開諸嶺出月映一江寒濁酒
沽來醉青燈照去殘雙魚何處寄淚落滴江干

虔州雜句

李清江

秋聲驟入貢江寒桂子畫花欲滿山畢竟唐人新語妙泊
帆遙指落星灣

道統憑開太極微春陵此處二程依孔顏樂事誰尋得總
許吟風弄月歸

贈姚學博

朱溥

我昔過虔州山水衝雲出灘聲雷鼓轟奇峰穿白日俯視
激湍中蛟螭走飄颻或如灑瀨堆排牙拜插筆篙師指點
忙帆檣飛鳥疾四顧石巉巖截業凌太乙望之不可攀時
聞嘯猿猶瞰此萬仞山詎乏高人逸屈指不數年先生起
勃萃里黨推祭酒撓光霽且吉交遊盡宗工執手惟恐失
經明復行脩廣文莅靖邑小大既從公友教亦多術取才
及吾鄉雅與魏子密魏子向予言勲閥淵源悉壯哉矍鑠
翁顏醜瞳點漆方擬效元之救時稱良弼胡念田園蕪解
組學種秫種秫本無心冥鴻不受弋多士感從遊贈答盈
緗帙余亦發浩歌清風鼓商律願以山水奇共採黃精實
服之成上仙笑覩芝蘭茁

贛州春望

胡國楷

豆色溪光蕩蔚藍入春風物便春酣丹榭盡發千年萼碧
葉猶遮三寸柑章貢雙流搖怪石崆峒孤出抹晴嵐大蘇
八境吟堪續不見蓬萊見嶺南

會昌訪牧菴晉公伯仲

周在浚

石城橋畔晚煙時聞道君來折柳枝船泊秦淮波渺渺山
看鐘阜雨絲絲懷人詩就題紈素弔古情長托酒卮愧我
浪遊交臂失却教今日慰相思

丁酉初夏重遊霞綺園

程道為

剩有山陰興園林踏晚春犬迎曾宿客

丙杜工部句

鳥識舊遊人

筓筆斑含雨茶槍綠卧茵樊川原有句臘酒恰芳辰

主人真韻士名豈易堂傳文字懷中刺風流畫裡禪菊幽

陶栗里書泛米家船過眼煙霞幻溪山似舊年

衆鳥依然樂清尊復有吟倚欄雲一角接徑竹千尋柳拂

詩人眼花憐客子心超然在物外明月滿桐陰

同友人登砥瀾閣

吳廷泰

僧厨香積飯餐後再憑欄百粵通微徑孤城抱急湍灘聲

爭赴壑閣勢欲迴瀾緬想經營事當年未覺難

康熙乙未秋余伯父同李文燾

音倡建

贛州府志

卷四十

國朝詩

三十二

送署會昌梁敬仲司馬還袁

有引

文時

袁州司馬梁公來攝縣事人享安靜之福者恰一

週公餘多暇輒與邑士為文酒之會徵歌闡韻歡

浹生平因於其還詩以志感

少年文戰憶京華車笠無忘澤有加索句輒依金谷罰看

花時到玉川家窮年握槩同寒素靜夜傳盃似冷衙別泪

應隨父老滴還疑清夢入仙槎

東臯草堂

有引

余八世祖西谷公宦蜀歸冢嗣令永康亦告養旋

里構堂規制宏麗范鐵葉畏門以禦暴客今猶呼

為鐵門文氏云甲寅為山寇所焚剩石殘磚里人

携取幾盡心竊傷之勉構數椽為息耒之所庶不致先人心力盡滅沒於荒煙蔓艸中爾

敢云築室擬東屯八葉遺基金念欲存潦倒本無紈作袴周防安用鐵為門荷歸畚鍤仍開卷散罷雞豚且負暄只合此中安蹇劣顛毛種種復何言

雙江阻雨

堪嗟老去未能閒尚逐征帆泊釣灣忽覩漲痕添貢水愈令歸夢到明山檣烏鳴喚如留客岬鼓喧闐又放關酒至且同良友醉興酣誰覺鬢毛斑

譚孝子歌有引

夏力恕

乾隆三年八月與贛人進士胡君存誠同舟夜闌

贛州府志

卷四十一

國朝詩

三十三

不寐為余道孝子事甚悉相與感涕久之因枕上作此

章江之水西北流其右曰貢水滔滔相會入贛州中有孝子今白頭昔年親死卜葬於荒邱人煙濶絕淚盈眸六年廬墓首若囚朝一溢米暮一勺水夏不筭冬不裘長號天地秋蛇鳴虎嘯聲啾啾綠苔拂塊交綢繆百靈荒忽如蜃樓一心頑石眠長楸詩文不目口如謳金經一卷累千周竒文秘錄鬼校讐銀瓶瀉水無時休吁嗟兮孝子生田疇出不與簪笏為儔處不與漁樵為謀茫茫宇宙惟二人魂魄之求白楊蕭條長夜幽翻令遺體等贅疣豈不怪誕匪常猷然而裨官野錄振古留譬諸金石性所投我來夜泊

萬安城北十里之沙洲驚聞此語氣塞喉吾生何乃事遠
遊邱墳滿目增離憂明朝十八灘水喧飀乘我舟柴門木
葉風颼颼吁嗟兮我父凝睇東望鵲喜與鳥愁

烏兜瀑布歌 九言仿竹垞體

董榕

一別三載匡廬青玉峽無以洗滌耳目澆胸襟况當炎夏
地又近炎嶠夢魂日索清泉佳樹林久聞烏兜瀑布亦奇
絕便途駐馬杖策耽幽尋是時黃雲萬頃正獲稻熙熙童
叟懷葛見於今雷轟電激處處喧水碓一灣綠水窈折而
清深遂入石鼓峽日境又別松杉夾道恍入黃龍巖 松徑似廬
山黃龍等兀然當關奇者南箕石風調穀熟京抵形相參摩準數
行題字已漫滅以指畫肚想像韓蘇吟峽中黯黯但聞水

贛州府志

卷四十

國朝詩

三十四

聲吼瞥見西方娟秀呈遙簪髻螺堆叠漫以首鎧比劃然
匹練一道開其岑天矯斜飛不知幾百丈玉龍得意萬古
噴甘霖白石一片方廣凡數頃可以流觴坐卧枕漱彈清
琴虎邱千人石上亦可坐焉有此瀑濺玉而掄金五老峰
下馬尾冠天下又無此石横卧堪凭臨兼此二妙髣髴似
何處惟有十三峰下金臺龕 濂溪蓮花峯西亦匡山境 曾同五嶽詩人酬
唱地風流雲散感嘆思難禁 余舊有龍潭瀑布歌用昌黎山石篇韻桑改甫先生同時有和篇見北嶽集
友朋會合古喻水與石彌堅彌淡所以稱同心萍泛天涯
長聚安可必聚時有如此瀑交石成清音近有野王 馮映清山長

平原 栢雲恩太守 好賓主西山老友 蔡過雲同學 作手同思廉 姚闈澤世長 虎頭

能詩 顧薌泉表弟 長史兼善繪 張敬軒 休文八詠 沈朗齋大令 建安七子同

崎欽同學我欲走倅邀來咸集此臨流脩禊一仿稽山陰
役事匆匆夕陽又將暮徒抱此願愧此枝頭禽噫吁嘻友
朋樂事安可必惟願吾儕與此石此水長森森

奉贈徐觀察十二韻

馮渠

觀察古牧伯雙江居要津明公肅綱紀三郡荷陶甄雨潤
空崗翠雲開章貢春巖疆重鎖鑰老手布經綸平準裁書
暇風流屬詠新廉泉宏教澤士氣轉深醇舊接枌榆里遙
憐枯涸鱗相如時病渴原憲竟長貧使命南州至微才講
席親庭瞻生意草醉吐大官茵郢曲愁難和高軒樂過頻
一枝欣有託大雅恃扶輪

送黃培山乞假旋信豐

裘曰修

贛州府志

卷四十

國朝詩

三十五

雍容儀部冠諸曹內賜宮花稱錦袍歸騎路旁爭指點五
雲紅襯馬蹄高

藉甚聲華滿

帝京承明猶待領羣英

甘大司馬以
鴻博薦不就

天街官種

垂楊柳只解縈青送客行

袖裏籠鞭五色絲北堂晝影繫離思籬邊歸去盈尊酒恰
值黃花滿地時

丁巳小春劉少亭以詩見惠用韻奉答

何其睿

早樹長城幟真關有別才丹文分五鳳光氣逼三台彭澤
樽前菊孤山月下梅天然風味存無怨混塵埃

送趙珍山歸贛

秋風黃葉下秋水綠紋生到眼山川淨還家佩紱榮高聽
凌八境對酒吸三笙此意曾同許鄉思逐去旌

宦味知原淡鄉情見獨長冲襟出流輩雅韻憂琳瑯薊柳
疎通月吳楓漸染霜梅林春意早幸寄一枝芳

少亭至自螺川同宿雙江客舍

盧明楷

判袂長安道披襟貢水湄便聞新著作不改舊鬚眉仕路
君何淡名場我更癡夜深頻剪燭難盡話相思

過安遠道中

沈濤

老者安之昔所聞白頭翻使按山行片雲蒸作千峰雨一

派俄分萬壑聲國事甫膺甘盡瘁鄰民雖隔亦尊生

赴會昌
任與安

為鄰何時得聽康衢祝前路迢遙正未平

贛州府志

卷四十

國朝詩

三十六

水複山重杳莫分禾田層疊盡通耘驚魂茅店間初定淺
量村醪少亦醺泉別靜喧偏怒石山分晴雨半愁雲眼前
事事縈心曲悔讀華陽內景文

入山采木

應知性癖愛深山更遣迂生作魯班足試險夷知老至手
持衡尺見材難寒蛩得月傷心語敗葉防霜盡力丹不是
醉翁行樂處強探絕勝興方闌

除夕桃花

故園三月見桃英除夕相逢耀眼明春酒已邀庾嶺客椒
花復引武陵人誰飛爆竹愁驚蝶不換新符自照鄰明日
凌晨看霽色暫應遮得在官貧

阻水宿韓坊墟

黃世成

烏衝煙霧樹林微
曉曉春雲蔽日暉
水掩丁橋村路斷
雨喧亥市賈人稀
棄繻關道名心薄
賣賦長安生計違
信宿風濤驚枕上
夢魂何處息勞機

信豐雜詩

草創千言名永標

今尚稱竹橋河

偏忘慧應

橋名

枕寒潮年來乾盡西

湖水不見僧伽舊竹橋

西河

古墓荆榛麥飯無
汲公遺櫬寄荒區
誰為柳下禁樵牧
續立高碑表道途

呂正愍公墓舊有碑

未知蠶織紡綿車
小繡花紋大績麻
猶有故家風範在
喫煙不到女兒家
績麻

贛州府志

卷四十

國朝詩

三十七

贛城曲

黃裳

花簪茉莉晚粧宜
正是相逢乞巧時
細剪弓鞋新樣好
夜來趨送七姑祠

郡中故事七姑神以七月七日為神誕婦女多剪紙鞋掛神座

舟行贛石作灘詞

黃天策

夢裡倉皇控輦遊
雙蟬憔悴隔江秋
祇今皂口陰雲盡
寒溜空餘大小流

皂口驛有大溜小溜灘

過客休歌行路難
陳皇北去險全刪
只今廿四無勞記
六月乘濤付等閒

冷堠歇亭旅舍踈
江湍客去幾盈虛
月明木客吟聲裏
愁殺洲邊五鯉魚

灘中有五洲形家指為五鯉躍江

越秋楚霰路迷茫
千載西平界石梁
兩縣中分道三百
耐

人謳 紉古南康

蓬萊占國望中春千里曾聞泣逐臣莫更鬱孤臺上去灘頭惶恐會傷神

螺女山都蹟漫尋峽雲江霧晝陰陰長年煙際頻勞問乾

渡洲前水淺深

乾渡洲在城東唐車灣

將解纜贛江獨酌有作

徐成芳

吟懷却被旅情牽今日崆峒到座前客醉小佳桑落酒別愁無那菊花天雨寒川杳人爭渡葉盡林疎鴈破煙風景似知人欲去孤蟬衰柳作纏綿

霽後舍舟策騎自代埠至金牛嶺

短篷風雨苦淒淒却遣晴鳩向晚啼遠水綠生新稻外殘

贛州府志

卷四十

國朝詩

三十八

霞紅照斷橋西層峰霽色經牛嶺細路清陰快馬蹄吟罷停鞭思小飲酒帘飄出落花蹊

贛城雨眺

彭咸寧

澤國寒無際愁看煙雨多蒼茫來曠野蕭瑟動關河霜意添紅葉雲情冷白波鬱孤零落後憑眺復如何

登鎮龍臺有感

天涯孤跡此登臨往事蒼茫不可尋向北嶺雲時聚散近南海氣半晴陰闢巖仙去煙霞在平泖碑遺歲月深自愧無才空老大壯懷偏欲寄龍吟

興國烈婦詞

孔衍

曹氏之死湮沒不傳因脩邑乘里人為說軼事如

繪其生既採入志復作短句哀之

漸漸之激水巉巉之厓石水流石可移寸心終不易二十
成婦道上堂拜姑嫜旨酒與甘脆夫子時徬徨徬徨終夜
泣苦我春無宿終夜泣何如歲又穀不熟夫子何自苦妾
命多不辰剜肉可療饑此身難事人巧吹不可恃嗟來寧
饑死之死誓靡他激烈垂青史死者不可作生者期無媿
古來節烈人胡知女史事

歲暮送汪輦雲之虔州

陶其憐

道途愁臘雪贛上索知音客子天涯夢高堂歲暮心風來
歸鳥盡衣薄旅寒深若到虔臺望開囊鼓素琴

奉周濂溪夫子木主入祀激江書院 孔興浙

贛州府志

卷四十

國朝詩

三十九

哲人應運日天中濂洛師承合並崇樂事未忘趨硯北精
心真與障川東千秋絕業從今振一綫薪傳此日同爲語
升堂諸髦士吟風立雪自相通

曾將庭訓啟新知想見瑩瑩月霽時餘韻至今爲善國辦
香自昔得人師徵公詣力當聞道愧我疎慵不學詩倘許
政閒頻討論綠牕庭草繫相思

宋文丞相克復會昌始末正史甚略其他見於雜說
者又前後顛錯因叙次入邑志復弔以詩

吳湘臯

丞相使虜營拘留擁之北不投子胥濤報君尚懷策跳身
越京江冒死航海國血淚花磚紅丹陛龍顏戚命開府南

托臣以討賊詎知忌同官借此肆扼塞裂衣整旗旌斬
降絕說客殺氣橫嶺嶠腥羶觸鼻息直越會昌城梅州已
受逼春草蠻瘴新率師冒矢石反側難盡誅跋扈先行磔
軍士皆腹心軍行若羽翼三月復梅州五月破會僻軍中
隨指麾追奔如卷席湘水復澄泓明山仍崩劣俘囚獲生
還哀鴻慶安集誰料空坑中我師忽敗績皇天不佑宋趙
孤覆海汐縱抱包胥心空勞精衛力卓哉不朽功民敢忘
大德泮水築崇祠春秋同廟食恨血問何如香凝藻芹碧

謝節婦鍾氏

南山雙翠鳥比翼薄雲飛朝食綠竹實夜棲蒼梧枝寒霜
下墜木連理一時催竹死梧亦枯孤雌情不移月明樹梢

贛州府志

卷四十

國朝詩

四十

上長伴鳥夜啼

鳥啼悲不已借問何乃爾泉下有故夫懷中有幼子從夫
心所安幼子孤無恃低徊夫與子悲生又悲死

厥子今何如熒熒念悲痛伐木苦求友嚶嚶飛章貢昔侶
野田鶴今偕朝陽鳳

朝陽有高梧枝葉何扶疎嚶嚶得所棲風木感倚閭歸來
報阿母阿母淚如珠撫摩懷中子悲傷泉下夫

明月坡

吳之章

一片巖前月徘徊在晚坡無林藏顧兔傍水駐纖阿璧影
輝華別珠光散彩多何時重載酒清夜復相過

灘行望崖寺

劉謙

奔流下灘水噴怒抵石脚石勢莽北回崖寺倚寥廓稍稍
初日吐肅肅寒葉落鐘磬迴帶風煙霾氣相薄羣樓向晨
動出處各有索因之悟元宰噓煦浩莫莫我行日斯邁彌
經道途惡優恣探賞仰慙謝康樂

宜園次萬有章韻並呈姚天池

姚氏十世祖翊爲明開平王常遇春指揮使駐札
贛州勲績炳然今之宜園即府場舊址其處尚名
姚衙園寬廣約二十餘畝嘉卉美木叢植有屋數
楹供佛名老僧住持而天池偃仰憇息未嘗頃刻
離此歲丁亥九月二日余訪天池園中既而萬君
有章鄒君絢文邱君粲然方君天祿以次至天池

贛州府志

卷四十

國朝詩

四十一

沽酒劇飲踞席而歌諸子各和之以爲樂明日萬
君首爲詩紀其事遂次韻以復

架上圖書日影流禪齋虛靜主人幽踰墻葉亂丁香夕貼
水枝翻薜荔秋面面詩情衝口得頭頭畫意滿腔浮揭來
已覺仙曹近遲日真成福地遊

姚君善
詩畫

門第遷移世運流名園長此占清幽簷喧好鳥知山曉樹
入清商識苑秋邀客最憐苔石坐賞花爭勸菊杯浮平生
攬勝多留戀况有諸君共好遊

重過贛州

杜夔

東江水急如飛電西江水清如匹練東西江頭行客多各
有相思不相見孤城自合章貢流葱蔭佳氣盤宮殿堤邊

可柳綠千絲山外晚霞紅一片舳艫南去嶺雲深淒淒芳草無人餞憶昔春前過此時珠簾斜捲桃花面煙火更新今又來不知轉眼浮雲變八境臺前風雨微歸梁還剩雙飛燕

遊竹勝金牛杉山寨示從子惟瑜

宋光國

竹勝高與金牛齊側立千尺天脚垂杉山鬼巍亘其北白晝但有雲霧迷清秋杜戶罕人事好風催我扶筇枝獨行踽踽可誰與嗣宗子姪能好奇晴開雨歛山骨出未至已覺清肝脾指點頻逢荷蓀子路絕或復登飛梯竹勝寨古雉雉壯鷄犬孳畜豐年貽丈人曝背訝客至茗酒款洽餘文儀少憇悠然見太古桃花源古寧殊斯金牛乘興更攀

贛州府志

卷四十

國朝詩

四十二

陟仰高俯下無平夷緩步逡巡過巘北隻屋草草寒民棲石郭懸崖訝鬼斧豈知締構皆人為杉山鄰近地阻絕烏龜石仄羊腸危輕命緣崖倣猿狖返顧魂魄猶驚疑寒原霜苦草木折白日影瘦風淒淒萬壑欲瞑鳥欲返依樹悵望生淒悲明季羣凶亂天紀寇盜充斥經多時先人播蕩遭其厄舉族藏此多慘悽四郊有田不得種徬徨中夜呻且啼土墻石屋得守望至今舊址猶留遺我輩幸生昇平世攀高躋險空驅馳當時故老彫謝盡欲問往事無由知上界下界付想像洪濛一氣村煙低

仔峒山為族境名勝舊有精舍一區歲甲午讀書於

此漫成二首

碧嶂參天上中峰寶界平兒孫羅衆象霧雨宿雕甍野鹿
晨偷芋山猿夜摘櫻風塵何擾擾棲託慰平生
久有雲岷約何曾石碣居喜尋蓮社友分得遠公廬住久
樵蕪識狂來冠帶踈誰能外簪弁長此卧蘧條

送林平園進士領贛州志事

盧崧

宿學馳江國扁舟溯贛灘紀綱文獻重筆削古今難九縣
殊風土三冬考斷殘秀添山水趣色潤士民歡長夜憑誰
話紅爐撥歲寒裁衡絕俯仰氣骨壯波瀾并列愁多汲圭
鋒喜少刊離懷隨望遠梨棗幾時刊

次盧存軒太守韻送林丈平園入贛 洪鐘

記忝臯比座曾經十八灘年光殊造次吾道各艱難

乙酉余掌教粵

贛州府志

卷四十

國朝詩

四十三

陽今十
三載矣

遠浦帆初落長更話共殘商量經世策浹洽隔年歡

祖帳驪歌促征蓬鴈影寒此行爭絕業獨力挽狂瀾嶺近
梅香度臺孤屐齒利莫從高處望離緒未全刊

訪七兄平園於贛郡志局用盧太守韻

林有彬

聲切鷓原上帆飛贛石灘生涯同潦草客路各艱難漫把
離懷訴頻聞曉角殘蕉窓勞點勘夜雨續悲歡筆老翻疑
秃星芒隱帶寒臺孤雲簇錦江合水迴澗未覺脂成膩何
妨印就刊朝朝滴清露綺麗欲全刊

偶步清風閣有懷

宋華國

竹屋擅清幽芸閣劇虛敞中有閉關人卧起息幻想葉葉

聞清風芭蕉窗外響

舟經儲潭有禱

虔南古名郡扼險居上游雙水如帶交千里始合流儲潭
匯其歸要路當咽喉長灘石如戟春水波如油貨貝來海
邦旅人依市樓片帆戒游子惶恐臨灘頭蠲潔享儲君利
涉當無憂

遊天馬巖為尤暢谷贈別

好山似良朋不厭千回語遊山如讀書屢探趣如許茲巖
劇幽勝杖履經無數淙淙聞玉琴涓涓滴石乳道人頗解
事新泉活火煮煙景豁佳懷清言揮玉麈念我舊同心華
年各羈旅奔走負山靈况復繫纓組時暢谷將之官外物難久役

贛州府志

卷四十

國朝詩

四十四

安身貴知處願言早歸來山靈不我拒

遊古天竺寺尋樂天詩碑不得

孟惟灃

開元遺寺破猶留消盡雲容古佛邱兩界鐘聲清以舊千
年詩蹟遠難求如梯路轉山遮面類蓋松欹樹點頭好是
勾人覽竒古近來三度隔江游

雩陽道中

平正傳

石路千重遠空山不斷雲迎人春草遍到眼水田分煙火
疎林起鷄聲隔岸聞雩陽城郭近行旅漸紛紛

贛州府志卷四十

